

اقتصادیات

مجموعہ سی

خالد

اشتراک برلی
عثمانی مملکتی ایچون:
ییلغی بر بوچوق لیرا
اجنبی مملکتی ایچون:
ییلغی ۳۳ مارق - ۴۰ فرانق
دانه سی ۳ غروش

ییل ۱ - صای ۲۲

عامی و عملی هر نوع اقتصادی مسئله لر دن بحث ایدر و هر پرشیه کونی چیقار .

اداره خانه : استانبول، سلطان حمامی - معقولیان خانی

اعلامه برلی
بردفعه لق هر سطر ایچون:
یکرمی غروش

سنه لك اعلان ایچون
آیریجه آ کلاشیلیر

۲۱ تموز، ۱۳۳۲

تعیین

تجارت وراثت مدیر عمومیکتہ ، وکالتندہ بولنان حسین منیر ،
زراعت مدیر عمومیکتہ ینہ وکالتندہ بولنان نسیم بک افندیلر تعین
ایدنشلردر۔ ملکتمزک الک منور فکری، الک غیور، الک صاعلام تحصیللی
کنجلیرزدن اولان موی الہامی تبریک وکال صمیمتہ حسن موقبلیری
تعی ایدرز ۔

معدن رخصتلی

آیدین ولایتی اسکی اورمان مدیری شکاری بک الہ عثمانی اجراخانہ سی صاحبی
نونیاد افندیلرہ آقحسارک فلجانلر قریبی جورہ سندنہ سودا معدنی آرامق
ایچون بر سنہ اذن وبرلمشد۔

بولدانی زادہ عبدالقادر افندی اورناقلرینک نازلینک خاصکوی
قریہ سندنہ لیکنیت ینہ بولدانی رفت افندی قارداشلرینک سرای
کوبک تکہ وطرقاتر قریہ لرنده غاز یاغی معدنلری آرامالری ایچون آلدقلری
بر سنہ لک اذن تصدیق اولمشدر ۔

خلیج وایورلری شرکتی

بیک اوچ یوز اوتوز بر سنہ سی طرفندہ احوال حربیہ نک امتدادی
و معدن کومورینک قندانی حسیلہ سیر و سفر معاملاتی بالمجبوریہ خیل
تقیص ایدیلوب شرکتہ عائد اون دوت قطعہ واپوردن اون ایکینی
حکومت سیلہ نک امریہ تخصیص ایدیلرک متبای ایکی اوچ واپورلہ
اجرای سیر و سفر ایدیلریش اولاسنہ بناء سنہ مذکورہ طرفندہ
سین سابقہ نسبتلہ بشدہ بر درجہ سندنہ پولی نقل اولمش و بونک
یوزدہ اونوزخیدہ افرا۔ عسکریہ تشکیل ایلمش و بالطبع حاصلاتک
مقداری اون بش بیک یمش آتی لیرایی تجاوز اتمہ یرک اشبو مقدار
سنہ سابقہ دن مدور بش بیک بش یوزاللی ایکی لیرا الہ برلشدبرلیدی
حالاہ ینہ یکریمی یدی بیک آتی یوز الی ایکی لیراہ بالغ بولنان مصارف
ستویہ یی قایاتغہ کفایت الہمہ دیک جہتلہ یدی بیک اوچ یوز دوت لیرا
نقصان وادوات ظہور اتمش و بودہ سنہ آتیہ حساب جدیدینہ نقل
اولمشدر ۔ شرکتجہ ۱۳۳۲ سنہ سیچون انتخاب اولنان مجلس اداره
هیئت بروجه آتیدر :

۱ — دولت بک

۲ — موسیو لئون ظریفی

۳ — آرام خلایجان افندی

: — موسیو ن. لبرٹ

۵ — موسیو ہدی سہن

۶ — فکری سانظور بک

یوسہ کی مروتات :

یاموق ۹۱،۶۹۶ ، سوسام ۱۴،۸۳۰ ، مصر داریبی ۴۰۲،۳۴۸ ،
اقداری ۱۶۳،۰۱۹ ، قوم داری ۹۰،۱ ، فاصلویہ ۳،۰۸۷ ، آناسون
۲۰۲۴۸ ، بوستان ۲۹،۲۵۸ ، بوکروجلہ ۱۸،۶۹۵ ، کتن ۳۲۶۰ ،
بوچاق ۲۹،۰۸ ، نوخود ۵۰،۸۸ ، یازلیقی بوغدا ۱۳۹۰ ، باتس
۱۰،۱۸۶۵ ، صوغان ۱۵،۴۴۲ ، ویمفرق ۲۴،۹ دویمدر ۔

خارجی

روسیدہ مضایقہ مالیہ

حرب عمومی دوام ایدنجہ روسیدہ مضایقہ مالیہ دہا زیادہ اشتداد
ایتمکدہ در۔ واقعاالحاصہ انکترہ و فرانسہ۔ متفقلری ممکن مرتبہ مضایقہ دن
قورتارمغہ جالیپورلر ایسہ دہ روسیہ نک مصارف حربیہ سی دہشتلی بر

یکون تشکیل ایدیلورک انکترہ و فرانسنک معاوتی مصارف مذکورہ یی
قاپایامور۔ روسیدہ دائماً ایکی ایکی استقرارلر عقدینہ مجبوراولبور۔ بوجلدن
اولقی اوزرہ روسیہ حکومتی اوچ میلیارلق قیصہ وعدہ لی تحویلات اخراجہ
قرار ویرمشدر۔ بوندن باشقہ آیرمجہ یوزدہ بش بوجوق فاض الہ ایکی یوز
یکری بش میلیون مقدارندہ تحویلات موقع تداول وضع ایدیلرچکدر۔

دیگر طرفدن روسیہ مالیہ ناظری دوما مجلسنک بودجہ قومیسینوندہ
حکومتک وضعیت مالیہ سنہ دائر ایضاحات ویرمش و حکومت باقہ سنہ
ایسہ دیکی مقدارندہ تحویلات اخراجہ دائر صلاحیت ویرلہ سی لزومی
درمیان ایلمشدر۔ مع مایہ دوما مجلسی ہر حالہ مقدارک تعین و تحدیدی
و حکومت باقہ سی طرفندن نہایت دوت میلیارمقدارندہ تحویلات اخراجہ
مساعده ایدلہ سی التزام ایدیلور ۔

رومایانک بکی محصلی

فوسیہ جایتون غزنہ سنک بکرشدن آلمش اولدینی معلومانہ کورہ
رومانیا حکومتی بکی محصول اخراجاتی خصوصندہ آتیدہ کی مقرراتی اتخاذ
ایلمشد : ہر چغجی کین سنہ محصولندن ہنوز نہ مقدارندہ بوغدا
بولندینتی بیان ایدہ جک ، بو سنہ ہرجنس بوغدا ین نہ مقدارندہ زرع
ایدنلش اولدوغی بر ہیئت مخصوصہ واسطہ سیلہ کشف اولوناجق ؛
زرع ہر جنس محصولک مقدار حقیقیسی کوسترمکہ مجبور بولناجق ؛
یا کلمش معلومات ویرنلرک مالاری ممالک اجنبیہ اخراج ایدیلرچک ؛
حکومت کلہ جک سنہ ایچون توخوملق اولقی اوزرہ لازم کلن مقدار الہ
ملکتک صرفیاتی ایچون اقتضا ایدن مقداری تقیص ایتدکن صوکرہ
متبای محصولات ممالک اجنبیہ اخراج ایدیلرچکدر ۔ حکومت
ملکتک استہلا کافی ایچون یوز یکریمی بیک واغون مقدارندہ بوغدا
اقتضا ایتدیکنی تخمین ایدیلور ۔

قوانین و نظامات

ذخیرہ حقندہ قانون موقت

مادہ ۱ اردوی ہایون الہ احتیاجی اولان محلا راہالیسنک اعاشہ سی
تأمین ایچون ممالک عثمانیہ یی مناطقہ بالتفریق بومنتطقہ لردن ذخیرہ تجارتی
لدی الاجتباب ایکنجی مادہ دہ بیان اولنان ہیئتہ حصر اتمکہ حکومت
مأذوندر ۔

مادہ ۲ برنجی مادہ دہ بیان اولنان منطقہ لرک فضلہ ذخارتی مباحہ
وفروخت اتمک و شخصیت معنویہ یی حائر اولقی اوزرہ بر ہیئت تشکیل
اولمشدر ۔

مادہ ۳ ہیئت داخلہ ناظرینک ریاستی آلتندہ حربیہ نظارتی
لوازمات عمومیہ رئیس و مالیہ و تجارت نظارتلری مستشارلری ووزراعت
باقہ سی مدیر عمومیہ الہ خارجدن داخلہ ناظرینک تسبیب ایدہ جکی
ذواتدن مرکب اولاجق و ہیئتک برقلی و یاجایی قدر مأموری بولنہ جقدر۔

مادہ ۴ معاملاتی تدبیر و توسیع ایچون ہیئت مذکورہ دہ دولتبہ
اوچ میلیون لیراہ قدر بارہ اقراض ایدیلرچکدر ۔

مادہ ۵ کرک طرف دولندن ہیئتہ اقراض اولنہ جق کرک ہیئتجہ

خارجدن ندارد ایدیلہ جک مبلغ صرفی منحصرأ هیئت رئیسک امری ایلہ اجرا اولنہ جقدر .

ماده ۶ هیئت رئیسک طلب تعیر بریسیله و برلک اوزره نالیله نظرلاری بودجه سنه اوچ میلیون لیرالقی تخصیصات فوق العاده علاوه اولنشد .

ماده ۷ اشبو قانونک صور تطبیقه سی بر نظامنامه ایلہ تعیین ایدیلہ . چقدر . پاییلہ حق نظامنامه احکامنه مغایر جر کتده بولنانلر صلح محکمہ لری و محاکمہ مذکورہ تک تشکیل ایتدیکی برلرده صلح حاکمیرنه دایر اولان قانونه توفیقاً بدلیت محکمہ لری طرفدن برهفته دن بر سنه یه قدر حبس جزا سنه محکوم اولاجقاری کی هیئت حسابنه دور و تسلیمی ايجاب ایدن ذخائر دن کتم و تقشیش اولنانلری خزینہ حسابنه اوله رق جزاء ضبط اولنہ جقدر .

ماده ۸ بو قانون سفر برلک دوائی مدتیحه حکومتک لزوم کوردیکی زمانده و تعیین ایدیلہ جکی منطقه لرده جاری اوله جقدر .

ماده ۹ اشبو قانون نصیری تاریخندن معتبردر .

ماده ۱۰ اشبو قانونک اجرای احکامنه هیئت وکلا مأمورددر .

مجلس عمومینک کشادنده قانونی تکلیف اولتی اوزره اشبو لایحه قانونیه نلک موقتاً مرعیت و قوانین دوله علاوه سی اراده ایلدم .

۲۲ رمضان ۱۳۳۴

۱۰ محوز ۱۳۳۲

[هیئت وکلانک امضالری]

آلمانیدن ۲,۳۵۹,۰۰۰ لیرا دها آوانس اخذیلہ مجموعنک

۹,۵۹۹,۰۰۰ لیرایہ ابلاغی و لزوم کوریلہ جک مقدار

اوراق نقدیه اخراجی حقنقدہ قانون موقت

ماده ۱ ۳ شباط ۱۳۳۱ تاریخلی قانون ایلہ یدی میلیون ایک یوز قرق بیک لیرایہ ابلاغ ایدلش اولان آلتی میلیون لیرالقی اوچینی آوانسه ایک میلیون اوچ یوز الی طقوز بیک لیرا دها علاوه سیله طقوز میلیون بش یوز طقسان طقوز بیک لیرایہ ابلاغنه هیئت وکلا مأذوندر .

ماده ۲ آلمانیا حکومتی خزینہ تحویلی اوله رق آلنہ جق اولان سالف الذکر ایک میلیون اوچ یوز الی طقوز بیک لیرادن خزینہ جک لزوم کوریلہ جک قسمنک قارشوالی اتخاذیلہ مقابیلندہ اومقدار اوراق نقدیه اخراجنه مأذونیت و برلشددر .

ماده ۳ مذکور المقدار اوراق نقدیه متزندہ دخی [۱۸ تشرین اول تاریخی قانون موجبجه] عبارته سی محرر بولنہ جق و مذکور قانونک ایکنجی اوچینی و دردخی ماده لری احکامی اشبو اوراق نقدیه حقنقدہ حقنقدہ دخی جاری اوله جقدر .

ماده ۴ اشبو قانون تاریخ نشرندن معتبردر .

ماده ۵ اشبو قانونک اجرا سنه مالیه و عدلیه ناظرلری مأمورددر . اشبو لایحه قانونیه نلک مجلس عمومینک انعقادنده قانونی تکلیف اولتی اوزره موقتاً موقع مرعیت و وضعی قوانین دوله علاوه سی اراده ایلدم .

۲۲ رمضان ۱۳۳۴

۱۰ محوز ۱۳۳۲

عدلیه ناظر وکیل مالیه ناظر وکیل صدر اعظم خلیل طلعت محمد سعید

مطبوعات

زراعت باقعه سی

بولرک انباشنه ، کویلده مکتبلر کشادنه انتظاراً آرزمانده آثار فله سی کورولہ بیلہ جک برتشیث واردرکه اوده ایشنه زراعت باقعه سنک کویلورلہ بحق یاردیم ایدہ بیلہ جک ، اولرک امداد بنه ایریشه بیلہ جک بر قدرت و مکتبلیق حاضر اولماسیدر . شہید حریت مدحت باشا مرحومک طونه ولایتندہ بولندینی زمان توسل ایتدیکی تدابیر عمراندن بلکه اک برنجیسی زراعت مندوقلرینک تأسیسی اولمش ایدی . بو مؤسسات زراعتک رافتنه اودرجه خدمت ایشدیرکه بولغارستان حکومتی شہید مرحومک هیکلی باقعه نلک صوفیه مرکزندنه ، طبیی بووکلکده فوطوغرافلری ده شعبه لرندہ موقع احترامه وضع و تعلیق ایتکه قرار و برمش ایدی .

زراعت باقعه سی بژده بونجه سنه لر اول تأسس ایتدیکی حالده مأمول اولان فوائد او قدر مقصور قالدی که ارباب زراعتک قسم اعظمی یتہ بولہ بر مؤسسہ نلک وجودندن بیلہ بی خبردر! بولده سبب سرمایه نلک عدم کفایتی و برده اقراض معاملانک صعوبتیدر . توخوم پاراسنه اشد احتیاجی اولان برکویل مال ملک صاحبی اولدینی اثبات ایتدکن صوکره نظاماً معین اولان مقدارده پارای استقراض ایدہ بیلنک ایمون توخوم وقتی کچینجه یه قدر طابان تیکه مجبور قالیرسه البته کندیسنه درحال مراجعتی اوزرینه باره و بره جک بر آدمک بژدینه کیشکی ترجیح ایددر . اما فاضلی فاحش اغش! وارسین اولسون . ایشی کورویور آ... کویاو خواه ناخواه بویلہ دوشونور و بویلہ دوشوندیکی ایچوندیرکه باقعه نلک تأسسندن مطلوب اولان مقصد حاصل اولماقدن باشقه ژوالی کویلوا بدبآ بر صاحب سرمایه نلک ربقه اسارتنه کیرمش بولندینی ایمون دولته فضلہ و برک و بره جک باره لی بر مکلف کسبله مض . وایسه نئجه خزینہ دولنک ضروری مؤیددر .

ایشنه بو ملاحظات سوقلہ درک زراعت باقعه سنک اصلاحی تشیثی زراعت نظارت جلیله سنک سائر تشیثات باقعه سی منللو یک صمیمی بر حسن ممنونیتله تلقی ایددر ، نظر شکران ایلہ مشهودمن اولان فسالیت عمران رورانه سنک مک فیضی ثمره لر حاصل ایتمه سی سعادت مملکت نامنه نمی ایلهرز .

صباح

اعلامه

دیون عمومیہ عثمانیه واردات مخصصه اداره سی

مجلس اداره سندن

بوزده درت فاضلی ۱۸۹۰ سنه سی (عثمانیه) تحویلنک ۸۳ نجی قرعه سی فی ۱۴-۱۱ اگستوس ۹۱۶ تاریخندہ استانبولده جمال اوغلی سمته دیون عمومیہ عثمانیه اداره سندنه چکیلہ جکی تحویلات مذکورہ حاملیرنه اعلان اولونور .

درسعادت فی ۲۹-۶ محوز، ۱۹۱۶

•••

فی ۱ تشرین اول، سنه ۱۸۸۶ تاریخی ۱۰ نجی کشیدده چیقوب بدلاری اخذ اولونقی اوزره ابراز ایدلہ مش اولان و زبرده نومرولری محرر بولنان شرق شمندو فرلری تحویلنک فی ۸-۲ کانون اول ۱۸۸۱ تاریخی نظامنامه هاونک بشنجی و اون اوچینی ماده لر . و ۱۴ ایلول سنه ۱۹۰۳ تاریخی نظامنامه مرپو نلک اون ایکنجی ماده سی ایچانجه فی ۱ تشرین اول، ۱۹۱۶ تاریخندہ حکمدن ساقط اولاجقاری اعلان اولونور .

۱۰۵۸۸۳۶-۱۰۵۸۸۳۷-۱۰۵۸۸۳۸-۱۰۵۸۸۳۹

درسعادت فی ۱ اگستوس ۱۹۱۶

مدير: جلال ساهر

قره بت مطبعه سی